

ЛЕКЦИЯ №3

Арсанов Саид-Бейн дахаран а, кхоллараллин а некъ.

Нохчийн исбаьхьаллин литература, къоман культура кхиорехь, Нохчийчоьхь йоза-дешар даржорехь XX бӀешеран хьалхарчу эхехь Ӏаламат доккха гӀуллакх дина Арсанов СаӀид-Бейс. Мехала ю цуьнан кхолларалла. Къоман литературехь йоккхачу эпически жанрехь чекхъяьлла йолу произведени – роман дуьххара Арсанов СаӀид-Бейс язйина.

Чолхе а, хала а хилла яздархочун дахаран, кхоллараллин некъ. Арсанов СаӀид-Бей вина 1889 шеран 2-чу октябрехь Нохчийчоьхь, Жимачу АтагӀах, ахархочун Арсанбекан доьзалехь. Чир тӀеяр бахьана долуш юьртах вала дезна Арсанбекан. Шен доьзалца Владикавказе кхелхина а вахна, цигарчу дашший, детий доккхучу заводе балха хӀоьттина иза. 1905 шарахь Россехь белхалой меттахбевлла, революцин болам болабелча цу юкьа вахна Арсанбек. Революцин боламехь дакъалацарна 1907 шарахь паччахьан Ӏедало лаьцна Сибрех вахийтина иза.

СаӀид-Бейс Владикавказехь 4-шеран училище чекхъяьккхина. 1907 шарахь Баку гӀалахь цхьана гӀишлошъяран организацин конторехь коперовальщикан, чертежникан болх бина. Цул тӀаьхьа Одессе а вахна, цигара электротехнически училище чекхъяьккхина, дешарца цхьаьна болх а беш. Юха цӀа а вирзина, цхьана муьрехь Владикавказехь болх бина, «Терек» газетаца юххера уьйр а латтош. 1910-чу шарахь Петербургерчу политехнически институте деша воьду Арсанов СаӀид-Бей. Кхузахь революционни ойла йолчу студентацца цхьаьна вара СаӀид-Бей. Политически демонстрацешкахь дакъалацарна чувобллина иза. Ши бутт чохь а баккхийтина, Вятски губерни ссылке хьажийна. Цигара вада аьтто а баьлла Варшаве а, цул тӀаьхьа дозана дехьа Германи а кхочу иза. Цигахь цхьана машинаш ечу заводехь слесаран а, монтеран а белхаш бина цо. Студентийн гӀаттамашкахь виллина дакъалоцуш а хилла иза. Арахьа дуккха а хало, гӀело лайна цо, амма дуьне а, адамаш а довзарехь мехала хан хилла иза яздархочунна. Хьалхара империалистически тӀом болабелча, Росси юха вогӀу Арсанов СаӀид-Бей. ЦӀа вирзинчул тӀаьхьа 1917-1921 шерашкахь Иркутски университетехь доьшу цо. Колчакан кӀайчу эскаршна дуьхьал бинчу тӀемашкахь дакъалоцуш а хилла иза.

1921 шарахь кхайкхина Нохчийчу схьавалаво Арсанов СаӀид-Бей, идеологически болх дӀабахьарца доьзна гӀуллакхаш тӀедохку цунна. Арсанов СаӀид-Бейс белхаш бина тайп-тайпанчу серлонан, бахаман, партийни учрежденешкахь. Доккха гӀуллакх дина цо Нохчийчоьхь йоза-дешар даржорехь.

Нохчийн дуьххьарлера газета арахецаран гӀуллакх тӀедиллина Арсанов СаӀид-Бейна. Корматалла вовшахтохараллин оьшу болх дӀабахьа дезна. Цу тӀехь Арсановна, Нохчийчу а веана, дика гӀо дира хӀетахь Ростовехь «Советский Юг» газетан редакцехь балхахь хиллачу Александр Фадеевс.

Оьрсийн гоьваьллачу яздархочунна даггара баркалла аларца хьахайора Арсанов СаьИд-Бейс и хан. 1923-чу шеран 23-чу апрелехь, Арсанов СаьИд-Бей редактор а волуш, араелира «Советская автономная Чечня» газетан дуьххьарлера номер. ТӀаьхьо, «Серло» цӀе а йолуш, нохчийн маттахь арахеца долийнчу оцу газетан доккха маьӀна хилла кьоман литературий, культурий кхиорехь.

Цул тӀаьхьа Москва балха дӀавуьгу Арсанов СаьИд-Бей. Цхьана муьрехь Кремлерчу Оружейни палатехь Илманан секретарь Иийна иза, тӀаккха масех шарахь ВЦИК-ан Президиумехь Нохчийчоьнан векал а хилла.

Оцу хенахь Нохчийн областан партин органашкахь болх беш нохчийн кӀезиг хилла. Дуьххьара Нохчийн обкоме балха хӀоттийна веккха цхьа нохчи – Авторханов Иабдурахьман, орготделан заведующи. Цо гӀайгӀабарца обкоме дӀаэца болийна нохчийн кьомах болу белхахой. Иштта обком партин культпропотделан заведующи хӀоттийна Арсанов СаьИд-Бей. Оцу хьокьехь яздина шен дагалецамашкахь Авторханов Иабдурахьмана.

Партин ЦК-н тидамехь хилла лаккхара дешар а дешна, кӀорггера хаарш а, доьналла а долу Арсанов СаьИд-Бей. Тайп-тайпана жопаллин гӀуллакхаш тӀедохку цунна. 1933-чу шарахь иза хьажаво Колыме, пачхьалкхан органашка балха. Цигахь шина шарахь райисполкоман председателан болх бо цо. 1935-чу шарахь Нохчийчу цӀа воьгу иза. Нохч-ГӀалгӀайн меттан, историн Илманан-талламан института директор хӀоттаво Арсанов СаьИд-Бей. Кхузахь цо доккха гӀуллакх дина нохчийн, гӀалгӀайн меттанаш а, истори а Илманца таллар вовшахтохарехь. Леррина тидам тӀебохуйту кьоман барта кхолларалла гульярна а, иза зорбанехь арахецарна а.

1937-чу шеран 3 октябрехь Арсанов СаьИд-Бей НКВД-ан белхахоча, лаьцна чу а воьллина, буржуазни националистанна гӀо деш хилла аьлла, бехке а вина, Сибрех вахийтина. ТӀаьхьа, яздархочуьнан цхьа а тайпа бехк цахилар билгал а доккхуш, мукъа витина.

Нохчийн кьам махках даьккхинчу хенахь, шовзткъалгӀий – шовзткъеитталгӀий шерашкахь яздархочо Казахстанехь халкъан образованехь болх бо. Республика метта а хӀоттина, цӀа дирзинчул тӀаьхьа, 1957 шарахь Нохч-ГӀалгӀайн республикин Яздархойн Союзан правленин председатель хаьржина иза. Цу даржехь болх бина Арсанов СаьИд-Бейс 1959 шеран март баттахь пенсе ваххалц.

Арсанов СаьИд-Бейн произведенеш дуьххьара зорбане евла 1924-чу ш. Цу хенахь «Советский юг», «Известия» газетийн агӀонаш тӀехь кест-кестта арадовлу цуьнан дийцарш, очеркаш, статьяш. ТӀаьхьо Арсанов СаьИд-Бейн произведенеш арайийлина «Красная новь», «Народный учитель» цӀерш йолчу журналаш тӀехь а. Арсанов СаьИд-Бейн цӀарца дозаделла ду кьоман литературехь романан жанр кхоллаялар. 1930 шарахь «Революция и горец» журналан кхаа номерехь зорбатуьйхира яздархочуьнан йоккхачу эпически произведенийн дакъош. Цул тӀаьхьа цхьа шо даьлча нохчийн маттахь «Ши тӀаьхье» цӀе а йолуш араелира и роман. 1930 шарахь зорбанехь араьлла Бадуев

СаьИдан «ПетІамат» цІе йолу чекхъяккхаза йисина роман а. Цу тайпана, Бадугев СаьИд а санна, къоман литературехъ романан жанр йолорхо ларалуш ву Арсанов СаьИд-Бей а. Билгалдаккха деза, Бадугев СаьИд юьззина чекхъяьлла роман язъян ца кхианехъ, Арсанов СаьИд-Бейс эпически йоккхачу форманан берриге а лехамашна жоп луш йолу роман нохчийн, гІалгІайн литературашкахъ духхъара языйна хилар. «Маца девза доттагІалла» цІе йолчу романан хьалхара вариант ларалуш ю «Ши тІаьхъе». Турпалхойн васташ даржош, сюжетан зІенаш тІеюзуш, идейно-исбаьхьаллин чулацам кІаргбеш болх бина автора шен произведени тІехъ. «Маца девза доттагІалла» роман араяьлла 1956-чу шарахъ Алма-Атахъ. XIX бІешо чекхдолучу – XX бІешо долалучу муьрехъ Нохчийчоьнан юкьараллин дахаран социальни хьелаш гайтина романехъ. Оцу хенахълерчу дахаран суьрташ эпически шуьйра а, кІорггера а дехкина. Тайп-тайпанчу географически меттигашкахъ кхочушхуьлу гІуллакхаш, дуккха а исторически хиламаш бу романан чулацамехъ. Къинхъегаман халкъо, тайп-тайпанчу къаьмнийн векалша паргІатонехъа латто къийсам гайтар ду романехъ коьртаниг. Къаьмнашна юкьахъ интернациональни доттагІалла кхолладаларан а, иза чІагІдаларан а хьелаш гайтина автора. Шина чкъурах бу романан турпалхой: Арсбий, цуьнан могІарера бершший; Беной, цуьнан нийсархой. Царах хІор чкъор а шайн хенаца догІуш, шайн амалшца, лехамашца гайтина. Дегайовхонца кхоьллина Арсбин, Джабраилан, Джон, ТІатІашан, церан накьостийн васташ. Цаьргахула гайтина адамийн ойланехъ хуьлуш болу хийцамаш. Дахаран, шайна гонах гуш долчуьнан социальни маьІна дан Іема уьш. Арсбин кхетам кхиарехъ мехала яра цуьнан Ивашинца а, Ульяшеваца хилла уьйраш. Романехъ дикачарах ду зударийн васташ: Хедижат, Селима, Ульяшева. Боккхачу деган лазамца, амма царах воккхаверца гайтина уьш автора. Ша-тайпана хьежамаш бу авторан кегийрхошка: Бенога а, цуьнан накьосташка а. Сирла хиндерг царах доьзна лору автора.

Яздархочо шуьйра пайдаэцна шен романехъ халкъан барта кхоллараллех. Цунна кІорггера евзара нохчийн фольклор. Арсанов СаьИд-Бейс гулйина, зорбанехъ арахецна къоман барта кхоллараллин шиь сборник. Шен къастамаш бу «Маца девза доттагІалла» романехъ халкъан барта произведенех пайдаэцаран. Фольклоран битамаша гІо до авторна къоман ламасташ, гІиллакхаш, обздангалла йовзийта, адамийн ойланехъ дерг гучудаккха, церан лаамаш, сатийсамаш гайта, халкъан дахаран къеггина долу суьрташ дахка. Джабраилан иллеш, Селимас шен шина йоІана дуьйцу туьйранаш, хабарш романан хиламех къасталур доцуш дІаийна ду. ДуххъалдІа барта произведенеш текстана юкьаялорца кхачалуш яц романан барта кхоллараллица йолу уьйраш. Яздархочун идейни, исбаьхьаллин Іалашонаш кхочушъярехъ шайн маьІна ду церан. Романна цхъа ша-тайпа аьхналла а луш, йоьшуш волчунна исбаьхьаллин Іаткъам бан гІо до цара.

«Маца девза доттагІалла» романан шолгІачу книги тІехъ болх беш вара яздархо. Цхъа кІеззиг долу дакъош зорбанехъ ара а девллера. Схьахетарехъ,

революци хиллачул тӀаьхьа вайн махкахь керлачу дахарехьа кӀинхьегамца кӀийсам латтор гайта дагахь хилла яздархо романан шолгӀачу книги тӀехь. Амма шен Ӏалашо кхочушъян ца кхиьна иза.

Арсанов СаӀид-Бейн «Серебристая улыбка» цӀе йолу книгина зорботьхна 1965 шарахь. Ткъе иттех шо хьалха ша болх бинчу Колыма а вахна, хӀетахь ша лелла меттигаш гина, цигарчу адамашца цхьаьнакхетарш а хилла, цӀа веъча, арахецна яздархочо и книга. Оцу мехкан буьрсачу хазаллех, цигарчу адамийн хьуьнарех дуьйцу яздархочо шен барамца йоккха йоцчу книги тӀерачу дийцаршкахь, очеркашкахь.

Арсанов СаӀид-Бей гоьваьлла яздархо вара, цуьнан произведенеш Нохчийчохь евзина ца Ӏаш, йоккхачу советски пачхьалкхехь а евзуш а, лоруш а яра. Мехала хазна йиллина цо дукхакъаьмнийн литератури юкъа. Яздархочух, цуьнан кхоллараллех лаьцна алссам материалаш, статьяш арайийлина цӀеяххана девзаш долчу журналаш тӀехь «Дружба народов», «Дон», «Новый мир» кхечарна а, центральный газетийн агӀонаш тӀехь а. Яздархочун «Маца девза доттагӀалла» роман маситтаза зорботьхна оьрсийн а, нохчийн а меттанашкахь Алма-Атахь, Москвахь, Соьлжа-ГӀалахь. Цуьнан дийцарш, очеркаш арайийлина дуккха а меттигашкахь, изданешкахь а.

Арсанов СаӀид-Бейн дахаран некъ хедира 1968-чу шеран 12 июлехь. Яздархо кхелхинчул тӀаьхьа, 1969 шарахь, араьлла «О близком и далёком» цӀе а йолуш, коьрта долчу декъана зорба тохаза хиллачу произведенийн книга. Цу тӀехь дийцаршца, очеркашца цхьаьна зорботьхна дара «Маца девза доттагӀалла» романан шолгӀачу книгина яздархочо лерина хилла дакъош а. Кхузахь, цуьнан дукхахайолчу произведенешкахь санна, гӀиллакх-оьздангалла, кьонахалла, доьналла долуш бу книгин турпалхой. Масала, райисполкоман председатель Диас, заводан директор Бено, кхиберш а.

Оьрсийн маттахь язйина Арсанов СаӀид-Бейс шен произведенеш, амма чулацамца, идейно-исбаьхьаллин къастамашца нохчийн кьоман литературин произведенеш ю уьш. Арсанов СаӀид-Бей шен дахар, исбаьхьаллин похӀма кьоман литература, культура кхиорна дӀаделлачарах ву.

Арсанов СаӀид-Бейн зорбанехь арайийлина произведенеш

Нохчийн маттахь

Ши тӀаьхье. Роман. Оьрсийн маттера гочийна Х. М. Яхшаатовс. Соьлжа-ГӀала, 1931.

Маца девза доттагӀалла (Романан дакъош) // Ленинан некъ. 1957. 18 июль - 12 дек., №№ 6, 7, 9, 11, 15, 61; 1958,. 22. 29 янв. №№ 8, 19.

Маца девза доттагӀалла. Гочийна. Х. Исмаиловс, Б. Чалаевс. Роман. Грозный, 1960.

Къеггина гайта вайн заманан турпалхо. «Ленинан некъ», 1965. 15 январь.

Дахаран бакъдерг. Дийцар // Ленинан некъ. 1968. 29 май.

Берзалой Иедал. Дийцар // Ленинан некъ. 1968. 2 июнь.

Нана. Дийцар // Ленинан некъ. 1968. 15 май.

Оърсийн маттахъ

Держи крепко свое сердце. (Главы из романа «Держи крепко свое сердце») // Грозненский рабочий. 1930. 22 май - 8 июнь.

Аул и люди (Главы из романа «Держи крепко свое сердце») // Революция и горец. 1930. № 1. С. 70-78; № 2. С. 63-69.

За невестой, Земли ему (Главы из романа «Держи крепко свое сердце»). «Революция и горец», 1930, № 8, стр. 67-72.

905-й год (Отрывок из романа «Держи крепко свое сердце») // Грозненский рабочий. 1935. 22 - 29 сент.

Расправа в тюрьме. Главы из романа «Держи крепко свое сердце» // Грозненский рабочий, 1935, 2-6 окт.

Суд (Отрывок из романа «Когда познается дружба»). // Къинхъегаман байраках. 1956. 17 май.

Когда познается дружба (Отрывок из одноименного романа) // Грозненский рабочий. 1957. 26 февр.

Слово о матери (Отрывок из романа «Когда познается дружба») // Грозненский рабочий. 1960. 17 нояб.

Когда познается дружба. Роман. Алма-Ата, 1956.

Когда познается дружба. Книга 1. Грозный, 1960..

Когда познается дружба. Роман. Грозный, 1963.

Ононди. Рассказ // На Севере Дальнем. 1964. № 2.

Серебристая улыбка. Очерки и рассказы. Грозный, 1965.

О верном друге. Роман. М., 1968.

О близком и далеком. Рассказы и очерки. Грозный, 1969.

Избранное. Когда познается дружба. Роман. М., 2009.